



3488  
4172  
95 126

Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education, Science and Youth**

Broj: 11-05-43190-67/19  
Sarajevo, 25.12.2019. godine

**SKUPŠTINA KANTONA SARAJEVO**  
**n/r Elmedina Konakovića, Predsjedavajući Skupštine Kantona Sarajevo**  
**-ovdje-**

**PREDMET: Odgovor na zastupničko pitanje**

Na 16. Radnoj sjednici Skupštine Kantona Sarajevo, održanoj 11.12.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnica Vildana Bešlija je postavila sljedeće zastupničko pitanje: „U kojoj fazi realizacije je inicijativa od 19.6.2019. godine, za koju sam informisana u odgovoru od 8.7.2019. godine da je usvojena, a odnosi se na uvođenje skraćenog programa prekvalifikacije i dokvalifikacije za sticanje stručnih zvanja iz popisa tradicionalnih i starih obrta u srednjim strukovnim školama“?

**ODGOVOR**

Ministarstvo za obrazovanje, nauku i mlade je podržalo inicijativu zastupnice Vildane Bešlije, te je svim srednjim školama za stručno obrazovanje i obuku, 6.11.2019. godine upućen dopis u kojem je, između ostalog, navedeno da je Zakonom o obrazovanju odraslih („Službene novine Kantona Sarajevo“, broj: 40/15), predviđena mogućnost registriranja centara za obrazovanje odraslih i akreditovanja programa za formalno i neformalno obrazovanje odraslih.

Mogućnost prekvalifikacije je, dakle, data i kroz spomenuti zakon, na način da registrirani centri/srednje škole mogu akreditirati programe prekvalifikacije, a u ovom konkretnom slučaju programe iz popisa tradicionalnih zanata i starih obrta.

S obzirom da je u Ministarstvu za obrazovanje, nauku i mlade određeni broj srednjih škola registriran za obavljanje djelatnosti obrazovanja odraslih, ne postoji zakonska smetnja za akreditiranje programa prekvalifikacije za sticanje stručnih zvanja iz popisa tradicionalnih i starih obrta u srednjim stručnim školama.

Također, je navedeno da Ministarstvo stoji na raspolaganju svim srednjim stručnim školama za uspostavljanje saradnje sa relevantnim ustanovama/institucijama kao što su Obrtnička komora Kantona Sarajevo, Privredna komora Kantona Sarajevo, Služba za zapošljavanje Kantona Sarajevo, Udruženje poslodavaca Kantona Sarajevo ili poslodavci pojedinačno, s ciljem izrade navedenih programa za poznatog poslodavca, ali i s ciljem uvođenja novih zanimanja kroz redovno formalno obrazovanje u srednjim stručnim školama.

Nakon dostavljanja ovog akta Ministarstva, Srednja škola metalških zanimanja se obratila Ministarstvu informacijom da je potrebno usaglasiti Uredbu o utvrđivanju vlastitih prihoda, načina i



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218

Sarajevo, Reisa Džemaludina Čauševića 1



rokova raspodjele („Službene novine Kantona Sarajevo“, br: 51/16 i 24/18) sa Zakonom o obrazovanju odraslih, jer Uredba nije usklađena sa ovim zakonom.

Naime, Uredbom je predviđeno da sva sredstva ostvarena realizacijom programa obrazovanja odraslih, se tretiraju kao budžetska sredstva i školama se ne garantuje pokrivanje troškova u realizaciji ovih programa, kao ni isplate članovima komisije za polaganje ispita.


U prilogu ovog akta, dostavljamo Vam dopis Srednje škole metalskih zanimanja od 22.11.2019. godine.

Nakon spomenutog sastanka, Ministarstvo je u nekoliko navrata iniciralo kod Ministarstva finansija izmjenu navedene Odluke, ali je Odluka do danas ostala u ovom dijelu nepromijenjena.

Ministarstvo u ovom trenutku ne raspolaže informacijom da li su određena srednje škole stupila u kontakt sa poslodavcima koji su zainteresirani za izradu ovih programa, što ne znači da se saradnja nije desila.

Naime, škole su, u skladu sa Zakonom, dužne Ministarstvu dostaviti programe na akreditaciju, što predstavlja garanciju da je zastupničku inicijativa Vildane Bešlije podržana.

U slučaju akreditovanja navedenih programa u Ministarstvu, informisaćemo Vas u kojoj srednjoj školi/školama je akreditovan program prekvalifikacije za sticanje stručnih zvanja iz popisa tradicionalnih i starih obrta u srednjim stručnim školama.



MINISTRICA


Mr. Zineta Bogunić

Prilog: Dopis Srednje škole metalskih zanimanja



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1





Bosna i Hercegovina  
Federacija Bosne i Hercegovine  
KANTON SARAJEVO

20.11.2019  
J. Mujović  
Laminija  
Sabeta  
Slogun

**SREDNJA ŠKOLA METALSKIH ZANIMANJA**

71 000 Sarajevo, Zmaja od Bosne br. 8, tel. ++387 33 275 601 fax: 207 369;  
e-mail: [metalskaskola@bih.net.ba](mailto:metalskaskola@bih.net.ba)

Dj.br.: 01- 1498/19

Datum: 21.11.2019.g.

KANTON SARAJEVO

Ministarstvo za obrazovanje, nauku i šport  
n/r ministricice

Bosna i Hercegovina  
Federacija Bosne i Hercegovine  
KANTON SARAJEVO

22-11-2019			
PREL. broj	OS	23146	-207
Organiz. jedinica			

**Predmet: Inicijativa**

Poštovana,

dana 12.11.2019.g. zaprimili smo dopis br.: 11-01/04-05-23146-101-2/19 od 6.11.2019.g. kojeg ste uputili svim srednjim školama za stručno obrazovanje i obuku pod naslovom „Zastupnička inicijativa“.

U tom dopisu, između ostalog, obavještavate škole da Ministarstvo podržava inicijativu za uvođenje programa prekvalifikacije i dokvalifikacije za sticanje stručnih zvanja iz popisa tradicionalnih i starih obrta u srednjim strukovnim školama, te nudite podršku školama koje se odluče za pokretanje takvih programa. Zatim podsjećate škole koje su već registrirane kao Organizatori obrazovanja odraslih da ne postoje zakonske smetnje ( Zakon o obrazovanju odraslih, Službene novine KS br.: 40/15) za akreditiranje programa prekvalifikacije.

Međutim, sve srednje škole koje su upisane u Registar organizatora obrazovanja odraslih i čiji su programi akreditovani imaju drugu vrstu problema koji ih sprječava u implementaciji tih programa obrazovanja odraslih. Na to sam Vam pokušao skrenuti pažnju na zadnjoj sjednici Zajednice srednjih škola KS, odnosno sjednici Odbora direktora srednjih škola.

Naime radi se o neusaglašenosti Uredbe o utvrđivanju vlastitih prihoda, načina i rokova raspodjele ( Službene novine KS br.: 51/16, odnosno br.:24/18) i Zakona o obrazovanju odraslih (Službene novine KS br.: 40/15). Uredba ne prepoznaje niti na pravi način tretira programe obrazovanja odraslih.

Koliko je meni poznato, niti jedna srednja škola za stručno obrazovanje i obuku koja je registrirana za obrazovanje odraslih nije krenula sa realizacijom akreditovanih programa obuke zbog predmetne Uredbe prema kojoj se sva sredstva ostvarena ovakvim programima tretiraju kao budžetska i ne garantuje školama pokrivanje finansijskih troškova prouzrokovanih realizacijom pojedinih programa a pogotovo kad se radi o isplati članovima komisije za polaganje ispita.

U maju mjesecu ove godine, na moju inicijativu, održan je sastanak sa ministrom finansija Kantona Sarajevo gospodinom Kovačevićem i njegovim saradnicima na kojem je osim mene bila prisutna i gospođa Sadeta Selimović iz službe za finansije Ministarstva za obrazovanje, nauku i mlade KS, te gospodin Igor Baroš ispred Društva optičara u FBiH i Udrženja poslodavaca KS kao predstavnik direktno zainteresiranih poslodavaca za realizaciju programa obrazovanja odraslih u našoj školi.

Nakon obrazloženja i iznošenja realnih posljedica u praksi zbog kojih je neophodno pristupiti izmjeni Uredbe koja smo iznijeli gospođa Sadeta i ja i sa kojima se u potpunosti složio i ministar Kovačević dogovoreno je da Ministarstvo za obrazovanje, nauku i mlade KS uputi inicijativu Ministarstvu finansija KS za izmjene i dopune predmetne Uredbe. Ministar Kovačević je izjavio da će to podržati.

Zajednica srednjih škola KS uputila je 30.5.2019.g. prijedlog inicijative za izmjene i dopune Uredbe Ministarstvu za obrazovanje, nauku i mlade KS koju je Ministarstvo 10.6.2019.g. dopisom br.: 11/07-14-23003 prosljedilo Ministarstvu finansija KS sa detaljnim obrazloženjem razloga za izmjene i dopune.

Koliko je meni poznato odgovor iz Ministarstva finansija ni do današnjeg dana nije stigao. Stoga Vas, kao ministricu u Vladi KS molim i sugerišem Vam da kroz razgovor sa ministrom Kovačevićem pronađete adekvatno rješenje, jer ukoliko ne dođe do izmjene predmetne Uredbe niti jedan od programa obrazovanja odraslih neće biti realiziran iz gore navedenih razloga. Za druge škole ne mogu garantovati, ali za Srednju školu metalških zanimanja zasigurno mogu, jer ja kao direktor škole ne želim da se upuštam ni u kakve avanture gdje ne mogu garantovati realizatorima programa obuke da će za svoj angažman dobiti adekvatnu/utvrđenu naknadu.

S poštovanjem,

